



<b>NAITTUQ</b> .....	4
<i>Hunauyuq taamna “Igluliuqatigiingniq: Ikluliuqatigiiktut Havaqatigiighutik” (Nunavut 3000) havaaghaq?</i> .....	4
<i>NHC-kut hananiaqhimayait tamangnik 3000 ikluqpaghat?</i> .....	4
<i>Qaffinik ikluqpaghanik NHC-kut hananahuat?</i> .....	4
<i>Qanuq ikluqpaghat kititauniaggat?</i> .....	5
<i>Qanuq ikluqpaghat hanayauniaggat?</i> .....	5
<i>Qaffinik ikluqpaghailliuqqat Nunavunmi?</i> .....	5
<i>Qaffinik ikluqpaghanik hananiaqqat havaaghaiqut?</i> .....	5
<i>Huug hapkua havaaghat ihariaqiyavvat?</i> .....	6
<i>Kina ikluqalihaagtunut ikluqpaliuqniaqqa/ikluqaghaliurniaqqa?</i> .....	6
<i>Kina akituvalaanngittunik ikluliuqniaqqa?</i> .....	7
<i>Kina niuviaqghanik ikluliuqniaqqa?</i> .....	7
<i>Kitunik ayuqhautinik hapkua parnaiyautit ihuaqhaitjutavak?</i> .....	7
<i>Hunat nakurutauyut?</i> .....	8
<i>Kinakiaq anitauniagga inuit ikluqpautainit?</i> .....	8
<i>Kimik anittiniaqqat havaktit ikluqpautainit?</i> .....	8
<i>Qanuq uuktuinnariaqaaqinga nutaamik ikluqpaghamik? Ahiittumik havauhiagga?</i> .....	9
<b>NUNALLAARNI IKLUQPANGNIK AVIKTUIYUT</b> .....	9
<i>Kitut nunallaat ikluqpaningniaqtut?</i> .....	9
<i>Kitut nunallaat nutaanik ikluqpaghanik hannaviuniaggat 23/24-mi?</i> .....	10
<i>Qanuq NHC-kut havaqatiginiqhimayait nunallaat ahiillu ilauyut parnaiyariamik hanayaamiklu nutaanik ikluqpaghanik?</i> .....	11
<i>Naamayumik nunaqaaqniaqqa hapkununnga nutaanut ikluqpaghanut?</i> .....	11
<i>Qanuriliuqtuqhauvik nunallaat parnaihimayaamik ikluqpaghanik?</i> .....	12
<b>MANIGHAUTIT HANAYULLU QAUYIHAUTAIT</b> .....	12
<i>Qanuq akiqarniaqqa Nunavut 3000?</i> .....	12
<i>Qanuq akiqaaqniaqqa nutaat ikluqpaghat?</i> .....	13
<i>Qanuq ikluliuqpallianaqqa akittuqpalliaplutik hanatjutighat nunaqyuami amigaqtumik ayuqhautiqaghutik?</i> 13	
<i>Akiqhainut taja nanminiuyut niuviaqghallu ikluqpaghat ihuilutauniagga?</i> .....	13
<i>Qanuq hivituyumik aulapkaiaamik akiqhaqaaqqa Nunavut 3000?</i> .....	14
<i>Nunavut 3000 iniqhiyumapluni parnaiyautauyuq. Qanuq ilihimavit iniqhittariagharnik?</i> .....	14
<b>ATAUTTIKKUUQTUT TAAPKUALU INUIT TIMIQUTAIT</b> .....	15
<i>Qanuq NTI-kut ilauvak?</i> .....	15

<u>Qanuq Aviktughimayumi Inuit Katimayit (RIA) ilauniaggat?</u> .....	15
<u>Hunauyuq katimaqatigiiktumik tughirautait maniqharnut GN-kunnit NTI-kunnillu?</u> .....	15
<b><u>NCC HANAYIT LIMATIT (NCCD) IKAYUQTIGIIT</u></b> .....	<b>16</b>
<u>Hunauyuq Ikayuqtigiingnut Angirutit taapkuaklu NCCD?</u> .....	16
<u>Qaffinik ikluqpaghanik NCCD-kut hananiaqqat talvuuna Ikayuqtigiingnut Angirutit taapkuaklu NHC-kut?</u> .....	16
<u>Qanuq hivitunia ilihimayaqhallu aullaqtirutavut hapkuninnga Ikayuqtigiingnut Angirutinik?</u> .....	17
<u>Qanuq taniqtauniaqqak NHC-kut NCCD-kut iklululaitpata angiqtauhimayumik akighakkut hanaviqhaaqqulluuniit?</u> .....	17
<u>Qanuq NHC-kut ihuaqhivanqniaqqaat hanayit akiqhainut avatquutit?</u> .....	17
<u>Annivighaqqaa ikayuqtigiingnut angirutinik?</u> .....	18
<b><u>ILHAUTIKHAINIT</u></b> .....	<b>18</b>
<u>Ilihaqtitauniaqqat?</u> .....	18
<u>Nani ilihaitauvanqniat?</u> .....	18
<u>Qanurittunik ilihaitaghanik ilihaittiniaggat?</u> .....	19
<u>Qanuq naunaiqhimaniaqqik ilaunqinnariaqaruma ilihaitaghanut?</u> .....	19
<u>Ilihaqtaaqhimayughauvik angayughiit ilihagvianit ilihagatautinnanga?</u> .....	20
<u>Maniqhainnariaqaaqqik ikayuutiqhamnik ilihaitillunga?</u> .....	20
<u>Havaaqhaqaaqtughauvik havaaqhaqhiuqlungaluuniit havaqhimayughauvikluuniit ilihagpaalliriamik?</u> .....	20
<u>Umikvighaqqaa uukturiamik ilihaitaghanut?</u> .....	21
<b><u>NHC-KUT IKAYUUTAIT AULAPKAIYAALLU</u></b> .....	<b>21</b>
<u>Kitut ikayuutinit aallannuqtaghauyut?</u> .....	21
<u>Hunauyuq akituvalaannqittut ikluqpaghat?</u> .....	22
<u>Kitut aallat ikayuutit nutaannuqtiqtaghat?</u> .....	20
<u>Taapkuatut GN-kut, NHC-kut amiqaittunik inuittunik ikluqpautilqit. Taapkua NHC-kut munarilaqqiqik hapkua havaaghat?</u> .....	22
<u>Qanuq taamna Nunavut 3000 havaaqhaq munaqtauniaqqa?</u> .....	22
<b><u>ILAUPKAINIQ TUHAQTITTINIQLU</u></b> .....	<b>23</b>
<u>Huug inungnik katimapkaihimaittut hapkua miqhaagut?</u> .....	23
<u>Qanuq NHC-kut tuhaqtittivanqniaqqat havaaqhanik hapkuninnga?</u> .....	23
<u>Qanuq NHC-kut ilaupkainiaqqat hannavingnik ikluliqiyinullu ilauyunik?</u> .....	23
<u>Nani naunaiqpaalliqniaqqik?</u> .....	23

## NAITTUQ

Hunauyuq taamna “Igluliuqatigiingniq: Ikluliuqatigiiktut Havaqatigiighutik” (Nunavut 3000) havaaghaq?

- Taapkua Nunavunmi Ikluliyiyit Kuapuriissat (NHC), kivgaqtuqhugit Kavamatkut Nunavunmi (GN), tuhaqtittihimayaat aullaqtiqviat taamna *Igluliuqatigiingniq: Ikluliuqatigiiktut Havaqatigiighutik* (ilihimayauyuqtauq taimaa Nunavunmi 3000 Havaaghait) ihuaqharahuaqhugu ikluliuqniq Nunavunmi.
- Nunavut 3000 NHC-kut hivituyumik parnaiyautigiyaat ikluliuqpalliayaamik aviktuqhimayumi atuqtughanit 10-nit ukiunit. Parnaiyautikkut, tamangnik nunallaat Nunavunmi iklupaningniaqtut.
- Parnaiyautit pingahuiqlugu tapittiniaqtut ukiumi tamaat nutaat inuit iklupaghainik ikayuqtiulutik ikluliyuriamik iklualihaaqtunut, akituvallaanngittunik, niuviqtaghaniklu iklupangnik.
- 50% haniani taapkua 3000 iklupaghanit kavamatkut nanminiriniaqtait inuit iklupaghait, ilangittauq 300 ihumagiyauyut iklualihaaqtut iklupaghautait. Kihinnguqtut taapkua 1,300-nit 1,500-nut iklupautit iklualihaaqtunut, akituvallaanngittut, niuviqtaghallu iklupaghat hanayauvangniat nanminiriyaulutik nanminiaqtunit nunallaarniluuniit iklupaghat manighiunngittunut.

NHC-kut hananiaqhimayait tamangnik 3000 iklupaghat?

- Imannaq, 3,000 iklupaghat ihumagiyauyut nutaat iklupaghauyut tuniyauniaqtut **tamangnit** iklupaliuqtit nanminiinit/hanayiinit Nunavunmi ukiuq 2030 tikitinnagu. Taapkuaklu kavamatkut, Inuit timiqutait, nunallaat, nanminiyuq hanayit, nunallaarnilu ikluliyiyit katimaqatigiit.

Qaffinik iklupaghanik NHC-kut hananahuat?

- Anginiqhauplutik ikluliyiyuyut Nunavunmi, NHC-kut niuviqniaqhimayut amigaitqiyainik taapkua 3,000-nguyut iklupaghat. Taimaa hanalutik 1,400 haniani inuit iklupaghainik taimaa havauhituqakkut niuviqhutik ikayuqtiqaqtumiklu Inuit timiqutainik. Taimaalu ikayuutighaliuqlutiklu havaaghaliuriamik ahinik iklupaliurniqmik (taapkuatut, akituvallaanngittunik iklupaghanik niuviqatigiiktut, nutaat/ihuaqhaqtauhimayut nanminiqarniqmik iklupangnik ikayuutinik, qanuqlu).

- Hivituhiwaalliqlugit havaaghait parnaiyainiqmik hananiqmiklu Nunavunmi ikluqpaghanit ikayuutauniaqtuq tamangnut ikluuqtinut/hanayinut, haamlatkunnut, nunallaarmilu ikluuqiyinit (manighiunngittut) parnaiyaittiamik hanayaamiklu nutaanik ikluqpaghanik nunaniklu hanavalliyaamik.

### Qanuq ikluqpaghat kititauniaqqat?

- Tamangnik ikluuqtut hananiaqtut uplumimit 2030-mut, kitukiat hanagaluaqlutik, kititauniaqtut inirumayainnut Nunavut 3000-mit.
- NHC-kut naatpangniaqtait tamangnik nutaat ikluqpaliurutighat tuniyauhimayut ikluuqiyinit hanayaghamik nayugaghamikluuniit talvanngat Havakviat Atanilluaq Ikluuqiyinit.
- Humaanngittuq ikluqpaghat hanayauhimagumik NHC-kunnit, ahinit timiqutinit, nanminilingnit nunallaarmiunit, ikluuqiyinilluuniit. Tamangnik ikluuqtut havaaghait ikluuqiyinit piinnarialiutilgit kititauniaqtut.

### Qanuq ikluqpaghat hanayauniaqqat?

- NHC-kut hanayaghainut akiraqtuiyaamik havauhiqnik atuqpangniaqtut huli ilaupkainahuariamik ikluuqiyinit ilauyut nunallaarni manighiunngittut (taapkuatut, ukiuq tamaat Tughirautait Ilittuqhitiyuniq Ilauyumaniqmut (REFOI), ilihimayuyuqtaut taimaa "Nunavunmi Ikluqpaghaliuqtit Akirautait").

### Qaffinik ikluqpaghailiugqat Nunavunmi?

- NHC-kut naahuriyut taimaa 3,500-nik taimaalu 5,000-nik nutaanik ihuaqhautighanik ikluqpaghailiugqat. Iharianaqhivaalliqniaqtut nutaat ikluqpaghat Nunavunmi inulrammiit iniqninnguqpalliagumik.
- Nutaatqiyaniit 2021-mi Naatjutinit ilittuqhitiyuniq taimaa Nunavut 6,800 haniani inulrammirnik inuqaqtuq ukiulgit 10-mit 20-mut, amihuuyut ikluqpaghailiugqat ukiunit 2030-nit.

### Qaffinik ikluqpaghanik hananiaqqat havaaghaigut?

- Nunavut 3000 naallugit nutaanik 3000-nik ikluqpaliurumayut ukiuq 2030 tikitinnagu. Hivullit aviktauhimayut ikluqpaghat kinguaniittut:
  - **300-nik ikluqalihaaqtut ikluqpaghait/ikluaghait** (hanayauyughat nunallaarni ikluuqiyinit kavamanilu ikayuqtiingnit)

- **1,400-nik inuit ikluqpaghainik** (hanayauyughat NHC-kunnit taimaa havauhituqakkut niuviqhutik ikayuqtigiikkullu/kaantulaaktittinikkut)
- **900-nik akituvallaanngittut atuqtaghat nanminighalluuniit ikluqpaghat** (hanayauyughat Inuit timiqutainit, nanminirnit hanayinit, nunallaarni kavamanit, nunallaarni timiqutinit ikayuqtigiingnitlu, qanuqlu)
- **400-nik nanminighat atuqtaghat nanminighalluuniit ikluqpaghat** (hanayauyughat nanminilingnit hanayinit)

## Huuq hapkua havaaghat ihariagiyauvat?

- Nunavut ikluqpaghailliurniqmut ayuqhautiqaqtut. Hivituyut havauhirnut ayuqhautauyunit taja ikluqpaghailliurniqmut ayuqhautauyuq, ikluqpaghaqariamik atuqtaghailliuqtut, utuqqaqpalliyut ikinaaqhutiklu ikluqpaghat, inighailliurniqlu. Ikluqpaghaqariamik inuit pilaarutiqaqtut iharianaqhunilu.
- Nutaanik havauhighaittumik, ingattainnarniaqtuq atuqtauyuq. Aviktuqhimayumi inugiaghivalliyuq. 2043-nguqtinnagu, Kitittiyit Kanatami naahuriyut taimaa 54,000-nguqniaqtut Nunavunmiut – 17,000-kut amigaiqpaalliqtuq, tapinnuaqhugu inugiangniit Nunavut aviktuqhimangmat 1999-mi.
- Ikluqpaghat amigaqtut ikluqpaghailliuqtunut akighaitalu hanayaamik akittuqpalliyuq. Qaffinnuanik ukiunit, akighait NHC-kunnut hanayaamik tallimalingnik-ikluqpaghanik akittuqpaalliqhimayuq akighaat \$379,780-taalaupluni 2017-18-mi talvunga \$923,447-talamut 2021-22-mi.
- Havauhituqakkut niuviriamik ikluliriamiklu aulapkaittiarnaittuq taamnaluni Nunavut 3000 tunngaviyuq naatkutigiiktumik niuviriamik ikluqpaghanik.

## NUNAVUNMI IKLUQPALIURNIQMUT HAVAAGHAIT

### Kina ikluqalihaaqtunut ikluqpaliuqniaqqa/ikluaghaliurniaqqa?

- Ikluqalihaaqtut ikluqpaghait/ikluaghait hanayauniaqtut talvuuna havaaghanut-kihinnaq ikayuqtigiingnit taapkualu GN-kut havakviit taapkuatut Havakviat Inuliyiqit, Inuit Timiqutait, Haamlatkut, manighiunngittullu.
- Nunallaarni katimaqatigiit ikluqaliyinuq ilauyut ilauqyauniaqtut ihumainik tuhaqtittiyaamik nutaanik ikluqalihaaqtut ikluqpaghainut havaaghainik talvuuna ukiuq tamaat Tughirautait Ilittuqhitiyuniq Ilauyumaniqmut (REFOI) havauhiigut (taapkuatut, “Nunavunmi Ikluqpaghaliuqtit Akirautait”).

## Kina akituvallaanngittunik ikluqpaghanik?

- 900 haniani akituvallaanngittunik ikluqpaghanik hananiaqhimayut talvuuna inuit Timiqutaigut, manighiunngittunit, nunallaarni timiqutaigut, nanminiqaqqtunillu. NHC-kut nanminirilaitait hapkua ikluqpaghat – ikluqpaghat nanminiriyauniaqtut hanayinit taapkualu/uniit nanminiqaqniaqtut hivunighami.
- Akituvallaanngittut atuqtauyut taapkualu/uniit nanminiuyut ikluqpaghat ikayuqtauniaqhimayut inuit ikayuutainik niuviqtinik taimaa nutaanik angiyunik ikayuqtigiiktumik niuviqtut, akighainut ikayuutit, taapkualu/uniit nanminiqarniqmut manighautikkut (taapkuatut, akighaanut akiliqtuiyut ikayuutainik).
- Nunallaarni katimaqatigiit ikluqpaghanik ilauyut tunihiquyauniaqtut ihumaliugainik akituvallaanngittunit ikluqpaghanut ikluqalihaaqtullu ikluqpaghainut talvuuna ukiuq tamaat “Nunavunmi Ikluqpaghaliuqtit Akirautait” Tughirautait Ilittuqhitiyunik Ilauyumaniqmut (REFOI) havauhiigut.

## Kina niuvigaghanik ikluqpaghanik?

- Nanminilgit hanayit ikluqpaghanik amigaitqiyunik niuvigaghanik ikluqpaghanik ihumagiplugu ikluqpaghailluqtut.

## Kitunik ayuqhautinik hapkua parnaiyautit ihuaqhaitjutauvak?

- Malruk ayuqhautit tajja ayuqhautigivagait taapkua naamanngittunik manighaqtariamik hivikittuniklu parnaiyainiqmut havauhiit.
- Nunavut 3000 manighaqaallirumayut ikluqpaghanut GN-kunnit ahiagullu manighaqaallitighanik ahinit ikayuqtinit taapkuatut Kavamatuqakkut Kanatami, nunallaarni haamlatkut, nunallaarni ikluqpaghanik, nanminilingnillu.
- Ihuaqhautigivagailu tajja parnaiyainiqmut ayuqhautainik ihivriuppaalliqhutik parnaiyaiplutik. Amihuuyut ikluqpaghanik ilauyut Nunavunmi parnaiyaiyunullu ikluqpaghanik atuqhugit 10-nguyut ukiut taimaa ikayuqtigiit katitiriamik parnaiyautainik, havaaghainik, niuviqtaghainiklu, taimaalu nunanik hanavallianiqmik.

## Hunat nakurutauyut?

- Ahiagut ikluqpaghat, amihuuyut nakurutauyut hapkua havaaghakkut nunallaarnut. Uuktuutit ilaliutihimayuq:
  - Manighaqhiurniqmut hanavalliyut ilauyut angiyunut hanayaghanut aviktuqhimayumi tamaat
  - Havaktighaliuriamik Inungnik Nunavunmiuniklu hanayit havaaghainit
  - Nutaannguqhimayunik parnaittiaqhimayuniklu nunallaarnut aviktuqhimaniinullu parnaiyautit
  - Nutaannguqhimayut aviktuiniqmut maligaghaliuqhimayut
  - Ihuaqhivaalliqhimayunik nunanik parnaiyainiqmut hanayunullu havauhirnik
- Nunavut 3000 amigaiqpaalliinnariaqaqtait ilikkuuqtut ikluqutit ikayuqtigiiklu aviktuqhimayumi havaktighaqariamiklu aviktuqhimayumi havaktighaliuqlutiklu kiuhiyaamik ikluqpaghailliurniqmut tamangnik nunallaarnilu.
- Nunavut 3000 nakuuyunik havaaghaqaqtittiniat Nunavunmiunik manighiuriamik amigaiqpaalliriamiklu ayuiqhaiplutik iliaqtut ilihimattiaqtuniklu hanayighanik nunallaarni havaktiuyunit. Maliktaghat ihumagiplugit iliaqtitaghat havaktunullu ilauyut iliahiutiyauniaqtuq tamangnut ihuaqtunut angirutinut kaantulaanullu.

## Kinakiaq anitauniaqqa inuit ikluqpautainit?

- Imannaq, kimik anipkailaittut inuit ikluqpautainit ilaupluni talvunga Nunavut 3000 havaaghainut.
- NHC-kut ihivriunqiaqtait nutaannguqtiqlugu inuit ikluqpautainik atuqtitauyut akighait aulapkaiyaamik ikayuutinik. Kinguani, ilangi inuit ikluqpautainik ikluqpalgit nuuttumaniatut akikitqiyamut ikluqpangnut.
- Nunavut 3000 hananiaqhimayut 1,400-nik inuit ikluqpaghainik. Akituvallaanngittunik ikluqpaghanik uuktuqtaghaqarniaqtuq taapkununnga amigaitqiyamik tikkuaqtaghaqarumayut nayugaghainik.

## Kimik anittiniaqqat havaktit ikluqpautainit?

- Imannaq, kimik anipkailaittut havaktit ikluqpautainit ilaupluni talvunga Nunavut 3000 havaaghainut.
- NHC-kut ihivriunqiaqtait nutaannguqtiqlugu GN-kut havaktiinut ikluqpainnik atuqtittiniqmut akighainut ikayuutit aulapkaittiamik.



- Naahuriyauyuq taimaa ikluqpaghailliurniaqtut nutaanik akituvallaanngittuniklu niuvigaghaniklu ikluqpangnik ihariagiyauniaqtut tajja GN-kut havaktiitut ikluqpalingnut.

### Qanuq uuktuinnariaqaqqaqinga nutaamik ikluqpaghamik? Ahiittumik havauhiqaqqa?

- Inuit ikluqpaghautait ilayauniaqtut tajja ikluqpautainut iniqtauhimmaarumik. Talvuuna, tajja havauhiyut uukturiamik inuit ikluqpautainik aulahimmaarahuaq.
- Inuit ilagiillu uukturumayut inuit ikluqpautainik hivayaqtaghariyaat nunallaarni ikluqiyit naunairiamik iklunilaaghainik titirariamiklu tughirautinik nunallaarminik Ikluliyiinut (LHO).
- Titiraqhimayut LHO-nguyunik takuinnarialik talvani <http://www.nunavuthousing.ca/contact>.

## NUNALLAARNI IKLUQPANGNIK AVIKTUIYUT

### Kitut nunallaat ikluqpaningniaqtut?

- **Tamangnik** nunallaat nutaanik ikluqpaningniaqtut talvuuna Nunavut 3000 parnaiyautagut.
- Naunaitkutut ataani takupkaiyuq **hivulliqnik** avighimayunik ikluqpaghanik nunallaarni tamaat. Aghurnaqtuq naunaiqhimayaamik hapkua **nappait ihuaqhiyauvangniat havaaghat aulatillugit ihumagiplugit aallannguqtaqtut iklughailluqtut taapkualu/uniit inuqarniitut naunaitkutait, hanavalliyut nanminigharnik, nunallaarnilu nunanik ikluliuqvigahait (taapkuatut, imaq, anaqtaut, alruyaqtuqtut, apqutit) havaaghaita.**
- NHC-kut nakuatut havagahuaqhimmaqtut kiuhiyaamiklu havauhiinit aviktuiplutik niuvigaghanik nunallaarni tamaat.

Nunallaarni ihumagiyaulluqtut	Iklualihaaqtut Iklughait (Nayugaghait Naunaiqtauyughait)	Nutaat Inuit Ikluqpaghautait	Nutaat Akituvallaanngittut Ikluqpaghat	Nutaat Niuvigaghat Ikluqpaghat	Nutaat Ikluqpaghat
Ikpjarjuk		50	10	0	60
Arviat		165	90	40	295
Qamaniittuaq		75	80	25	180
Iqaluktuuttiaq		50	60	30	140
Igluligaajuk		10	10	0	20
Kangiqtugaapik		15	50	20	85

Salliq		45	20	10	75
Uqhuqtuuq		50	40	20	110
Ausuittuq		5	5	0	10
Iglulik		80	60	20	160
Iqaluit		320	170	120	610
Kimmirut		10	5	0	15
Kinngait		70	10	5	85
Kugaaruk		10	20	5	35
Kugluktuk		40	30	5	75
Naujaat		50	20	5	75
Pangnirtung		45	30	10	85
Mittimatalik		25	40	15	80
Qikiqtarjuaq		20	5	0	25
Kangiqliniq		145	95	70	310
Qausuittuq		5	10	0	15
Sanikiluaq		10	20	0	30
Sanirajak		15	10	0	25
Taluryuaq		60	5	0	65
Tikiraqjuaq		30	5	0	35
<b>Atauttimut</b>	<b>300</b>	<b>1,400</b>	<b>900</b>	<b>400</b>	<b>3,000</b>

#### Kitut nunallaat nutaanik ikluqpaghanik hannaviuniaqqat 23/24-mi?

- Tamatkiumayumik, haniani 216 nutaat ikluqpaghat parnaiyaqhimayut talvuuna January 2023-mi inuit Tughirautait Tughirautinik RFP (54-nguyut inuit ikluqpaghait taapkualu 12-nguyut GN-kut havaktiit ikluqpaghait) talvuunalu Ikayuqtigiiktut Angirutaigut taapkualu NCCD (150-nik inuit ikluqpaghainik).
- Taamna inuit RFP-ngat 66-nut ikluqpaghanut ilauyut taapkaa: Mittimatalik (12), Qauyuittuq (10-nik ikluqpangnik), Salliq (12-nik ikluqpangnik), taapkuaklu nunallaat hivuani parnaiyaqhimayunik ikluqpaghat nutqaqtitauhimayut 2021-mi 2022-milu akituvallaarmata hanayumayut, talvanilu Kinngait (10), Qurluqtuq (12), Pangniqtuuqlu (10).
- Talvuuna NCCD-kut Ikayuqtigiit Angirutaigut, 150-nik nutaanik inuit ikluqpaghait parnaiyaqhimayut 23/24-mi hanayauyughat talvani nunallaarni
  - Qikiqtaaluk: Ikpiaryuk (20), Iqaluit (18)
  - Kivalliq: Arviat (20), Qamanittuaq (20), Kangiqliniq (20)
  - Kitikmeot: Iqaluktuuttiaq (10), Uqhuqtuuq (20), Taluryuaq (20)

## Qanuq NHC-kut havaqatiginiqhimayait nunallaat ahiillu ilauyut parnaiyariamik hanayaamiklu nutaanik ikluqpaghanik?

- NHC-kut katimaqatigivalliyait taapkua Nunavunmi Katimaqatigiiktut Nunallaat (NAM), kitukiat haamlatkut, Qulliq Alrulyaliqiyit Kuapuriissat (QEC) taapkualu GN-kut Havakviat Nunallaarnik Kavamaniklu Ikayuqtit (CGS) ikayurahuqhgut ilauyulluat naunaiqhitigiighutik parnaiyaiyaamik nutaanik ikluqpaghanik.
- Ilaani, nunallaat nutaanik nunallaarnut parnaiyautiqagtughat aviktuiniqmulluuniit maligaghaliuqhimayunik parnaiyaqhimayunik ikluqpaliuqvigiyaamik. Nunallaarni ikluqpaghaliuqviit (taapkuatut, tuapalianik tunngavighaq, imaqmik anaqtautinullu ikayuutit, apqutighat, alruyaqtuqtunullu) ihumagiyauyughat.
- Nunallaarmiunik ilihaiyaamik irinigiyauyuq. NHC-kut havaqatigiyait taapkua Havakviat Inuliqiyit (Havaktighaliuqtut Havakviat), Nunavunmi Ilihaqpaalliqvik, NCCD-kullu ikayuriamik ilihagtittiyut ilittuqhariamiklu inungnik tamangnit nunallarnit ilauyughat nutaanut ilihagtaghanut hanayughanullu havaaghainut.

## Naamayumik nunaqaqniaqqa hapkununga nutaanut ikluqpaghanut?

- Kinguvaqtihimaittumik ihuaqhaqtauhimayunik “pualriqhuinnarianiktumik” nunamik ayuqhautiqaqpaktut amihunit nunallaarnit ayuqnaqhivaalliqliqniaqhuni ikluqpaliuqpalliagumik.
- NHC-kut ihuaqtukkut atuinarianigumayaat ikluqpaqarvighat nunat, taapkualu malrungnik natilgit ikluqpait (ilanginilu nunallaarnit, pingahunik natilingnik amigaitqiyankluuniit) ikluqpangnik.
- Naamayunik nunallaarnit hiuraqtaqtaghanik hannavighait, naamayunik imiqtautighanik, anaqtaqvighanik, apqutighanik, alruyaqtuqtunullu hanayaghat ihariagiyauyut iniqhiyaamik piyumayainnik talvuuna Nunavut 3000.
- Hivituyumi, Nunavut 3000 hivumut-ihumaplutik parnaiyaiyut havauhiit naahuriyauyuq ikayuqpaallitighait nunallaarni nunanik atuqtittiniaqtut havaangit ikluqpaliuqvighaniklu parnaiyaiyaamik.
- NHC-kut havaqatigiyait ikayuqtiigiit qauyihaiyaamik nunat hailihimaniit tamangnit nunallaarnit kihimi naahuriyut naamayumik ikluqpaliuqvighaqarniat 2023-24-mi inuit ikluqpaghainik hanalirumik.

## Qanuriliuqtughauvik nunallaat parnaihimayaamik ikluqpaghanik?

- Nunallaat naamayumik hiuraqaqtughat, imiqtautighat, anaqtaqviit, apqutighat, alruyaqtuqvighaniklu ihuaqtughait nutaat ikluqpaghat. Ikulayunit amirnautiqaqtughat ahiniklu nunallaarni ikayuutinik ihuaqtughait aklivaalliqtilutik. Ilaani, nunallaat parnaiyautighalliurniat nunallaarmingnut maligaghaliuqhimayunullu nutaannguqtirutinik.
- NHC-kut havaqatiginiqtaait taapkua Havakviat Nunallaarnik Kavamaniklu Ikayuqtiit (CGS) taapkualu Nunavunmi Katimaqatigiit Nunallaarnik (NAM) taimaa haamlatkut naunaiqhimayaamik ikayuutighainik ikluqpaghaliuqtut nanminiqariamiklu havaangit nunallaarmingnit.

## MANIGHAUTIT HANAYULLU QAUYIHAUTAIT

### Qanuq akiqarniaqqa Nunavut 3000?

- Nunavut 3000 parnaiyutait naahuriyauyuq akiqaqtughamik haniani \$2.57 pilian-taalat ikluqpaliurutighait nanminiqaqtughat taimaa \$890 milian-taalamik (aviklugu 35%-nguyuuq) inungnullu ikluqpaghat akiqaqtumik \$1.68 pilian-taalamik (aviklugu 65%-nguyuuq).
- GN-kut, talvuuna NHC-kut, atuqniaqhimayut \$560 milian taalamik 8-nik ukiunit atuqtughanit ikayurahaqhugu Nunavut 3000 iniqniaqhimayaillu iniriamik titiraqhimayutut talvani Katujjiluta havaaghainit amigaiqpaalliriamik Nunavut ikluuqtughait.
- Nunavut 3000 naahuriyuttauq taimaa ahinit manighaqvighait taapkuanguyut:
  - \$300 milian taalamik tuniyauniaqhimayut Kavamatuqanit Kanatami
  - \$500 milian taalamik nutaat manighautit Kavamatuqanit kanatami tughiqtauhimayutut taapkuninga NTI-kut GN-kullu
  - \$845 milian taalamik uqaqtauhimayut ITK-kunnit kavamatuqait 2022 manighautainit – ilangi maniit naahuriyauyuq tuniyauniaqhimayuuq NTI-kunnut Inuit ikluqpautighainut Nunavunmi
  - \$890 milian taalamik nanminighait/nunallaarni ikluqpaghat akituvallaanngittut niuvigaghallu

## Qanuq akiqaqniaqqa nutaat ikluqpaghat?

- Akighait nutaat ikluqpaghat ihumaliuqtauniaqtut amihunit ilittuqhitinit taapkuatut ikluqpaum aktiniagut, qanurittaaghaat ikluqpak (taapkuatut, ilagiit ikluqpautait taapkualuuniit tallimalik ikluqpautit taapkuakluuniit 12-nik ikluqpautit, qanuqlu) nayugaghaallu.
- Inirumayaita Nunavut 3000 taapkua hanayaghait amigaitqiyat akituvallaanngittut ikluqpaghat niuvigaghallu. Ikayuriamik hapkuninnga, NHC-kut nutaanik hanayaghanik akituvallaanngittunik ikluqpaliuqatighainik ikayuutighaliuqniaqtut nutaannguqtiqlugulu nanminiqaqniqmut ikayuutait.

## Qanuq ikluqpaqniaqqa akittuqpaqniaqqa hanatjutighat nunaqyuami amigaqtumik ayuqhautiqaghutik?

- Nunavut 3000 amihunik havauhikkut ikluqpaghanik hanavaktut taimaa havauhituakkut ikluqpaghanik niuviqhutik ahiagullu ikayuqtigiit angirutaigut taapkuaklu Inuit timiqutait, ukiuq tamaat Tughirautait Ilittuqhitiyunik Ilauyumaniqmut (REFOI) nakuuyumik ihumaliuqhimayunik havaaghaniklu qiniqhiaplutik.
- Taamna 10-nik ukiunik ikayuqtigiit Angirutait taapkuaklu NCCD-kut amigaitqiyamik ikluqpaghanik ihumagivagait atuqtughanit 10-nik ukiunik naahuriyauyuq akikitqiyamik hanayaamik.

## Akighainut tajja nanminiuyut niuvigaghallu ikluqpaghat ihuilutauniaqqa?

- Nanminighat ikluqpaghat niuviqtauyughat naahuriyauyuq hakuginngaariamik. Nanminiuyut ikluqpait aviklugu 1/5 nguyuq tamatkiqlugit Nunavunmi aimaviuyut. Nunavunmi, 22% ikluqpait nanminiqaqtumit-nayuqtauyut taimaalu 67.8%-nguyuq Kanatami tamatkiqlugit.
- Naahuriyauyuq taimaa 400 haniani ikluqpaghat hanayauniaqtut ihumagiplugit ikluqpalliuqtut manighautillu ikinaaqpaghutik, piqarumik, inungnit niuviqtauyughanik.
- Ikluliuqtit ikluqpangniaqtut nanminighanik ihumagiplugu nanminiqaqnik ikluqpaghailliuqtut. Ahiagut amigaittunik ikluqpaqniaqqa.

## Qanuq hivituyumik aulapkaiaamik akighaqaqqa Nunavut 3000?

- Aulahimmaaqtumik aulapkainiqmut mihingnautiqaqniaqtuq angiyunik hanayunik inuillu ikluqalihaaqtullu ikluqpaghainik. Ukiuq tamaat aulapkainiqmut akighait atauhiq inuit ikluqpautainik \$28,600-taalauyuq, anginiqhait akighaitit qullirnut akiliqtuivaktut. Taimaa akiqaqtumik, ahiagut 1,400-nguyut inuit ikluqpaghait ihariaginaqtut \$40 milian taalamik avatquttugu akighait aulapkaiaamik.
- Aulapkaiyut manighautainut avatquutighainik ihariagilaittut qaffinik ukiunik kinguani angiyut hanataaqhimagumik. Ikighivaallirahuariamik manighautinut ikpingnautit hivituyumik aulapkaiaamik ahiqquiqhimayaamiklu inuit ikluqpautainik, nutaat ikayuutighat taapkuatut akituvallaanngittunut ikluqpangnut atuqtaghait akighainut ikayuutighait hanayauniaqtut.

## Nunavut 3000 iniqhiyumapluni parnaiyautauyuq. Qanuq ilihimavit iniqhittiariagharnik?

- NHC-kut naunaiqhivangniat ukiuq tamaat iniqpalliayaanik iniqniaqhimayainik atuqhutik naunaitkutanik Havakvianit Atanilluaq Hanayinit.
- Hanayut qauyihautait ilittuqhithimayut talvani Nunavut 3000 inuit parnaiyautainit takuinnarialik talvani – <https://www.igluliuqatigiingniq.ca/>

## ATAUTTIKKUUQTUT TAAPKUALU INUIT TIMIQUTAIT

### Qanuq NTI-kut ilauvak?

- NTI-kut ikayuqtigilluaqtavut aulattiarnianut Nunavut 3000. Taamna Katujjiqatigiinni Havaaghait taamnaluk 2022 ikayuqtigiit Uqauhiit ilittuqhitihimayut ikluqpaqariamik ikayuqtigiiktumik irinigiyauyuq GN-kunnit NTI-kunnillu.
- 2022-mi kavamatuqakkut manighautainit, Kavamatuqakkut Kanatami tunihimayut \$845 milian taalamik atuqtaghat 7-nit ukiunit ikayurahuqhgut Inuit ikluqpaghainut. Ilangi hapkua manighautit naahuriyauyut tuniyauyaamik NTI-kunnit ikluqpaliuqtut ikayuutighait Nunavunmi.
- NTI-kut parnaiyautighaliuqtut niuviriamik ikluqpaghanik taiyauyuq *Angirratsaliulauqta: Nunavunmi Inuit Ikluqpaghainut Parnaiyautit (NIHAP)*. Taamna NIHAP ilittuqhitivaktuq tajja hanayughanik ikluqpaghanik irininaqtutut. Naallugit ikluqpaghat hanayauyut NTI-kunnit talvuuna NIHAP iliqahiutiyauniaqtut talvunga Nunavut 3000 qauyihautainut.
- Ihuaqhautit ayuqnaqtunut ikluqpailliuqtunut ihariagiyaait nakuutqiyakkut piyauvaktut ikayuqtigiiktunik havaqatiqaqhutik havakvingnit tamaat kavamatkunnillu.

### Qanuq Aviktuqhimayumi Inuit Katimayit (RIA) ilauniaqqat?

- Hakugiktuq Nunavut 3000 taimaa katitirivaktuq ayuittunik irinigiyaainiklu amihuuyut ikayuqtigiit. Aallanik havauhiqaqhutik manighariamik ikluqpaqariamik ikluqpaqariamik hivulliqtiuniaqtuq hanatuniqmut amigaitqianullu ikluqpaghainut, ihumagilluaqtavut tajja.
- Aviktuqhimayumi Inuit Katimayit (RIA) hanayiillu kuapuriissait irininaqtunik inirumayainiklu ikluqpaghaqarniqmut ihumavaktut ihariagiyaikkut nunallaarmiut aviktuqhimaniillu.
- NHC-kut naahuriyut taimaa ilittuqhitiplugu hivituyumi parnaiyautighait ikluqpaqariamik, manighaqviit, hanayiit, ikayuqtiniklu havaqatigiikpalliayaamik amigaiqpaalliriamik nutaat ikluqpaghat hanayauyughat hamani aviktuqhimayumi.

### Hunauyuq katimaqatigiiktumik tughirautait manigharnut GN-kunnit NTI-kunnillu?

- Ihuaqhainahuariamik Nunavunmi ikluqpaghailliurniq, Nunavut Tunngavikkut Timingat (NTI), kivgaqtuqhgut Nunavunmiut Inuit, taapkua Nunavunmi Ikluliqiyit

Kuapuriissat (NHC), kivgaqtuqhugit Kavamatkut Nunavunmi (GN), ilikkuuqtumik kihimi ikayuutaunyunik parnaiyautiliuqhimayut amigaiqpaallitighaq ikluliuqtaghanik ikluliyunit.

- Atauttikkut, NTI-kut ikluqpaghanut parnaiyautait, taiyauvaktuq *Angirratsaliulauqta: Nunavunmi Inuit Ikluqpaghanut Parnaiyautit (NIHAP)* taamnaluk NHC-kut ikluqpaghanut parnaiyautait taiyauvaktuq *Igluliuqatigiingniq: Ikluliuqatigiiktut Havaqatigiighutik* (taiyauvaktuqtauq taimaa Nunavut 3000 Havaaghait, ikluliuqpallianaqtut tamangnit nunallaarnit Nunavunmi, ikayuqlugit havaaghaqhiuqtut ilihaqtitaghallu Inungnut, niuviqlutik nunallaarni manighiurvighanik, hakugighaqlugillu nunallaarni ikluliyighat.
- NTI-kut GN-kullu katimaplutik tughirautiliuqhimayut manigharnik \$500 milian taalamik Kavamatuqatkunnit Kanatami avvaa tuniyauniaqhimapluni NTI-kunnut NIHAP-mut atuqtaghaq avvaattaq NHC-kunnut atuqtauyughaq Nunavut 3000-mut.

## NCC HANAYIIT LIMATIT (NCCD) IKAYUQTIGIIT

Hunauyuq Ikeyuqtigiingnut Angirutit taapkuaklu NCCD?

- Ikeyuqtigiingnut Angirutit havaaghaliuqpaktut ikeyuqtigiingnut havaqatigiiktunik hanayaamik haniani 2000-nik ikluqpaghanik ikluliuqtaghanit. Ukiuq tamaat NHC-kut NCCD-kullu angirutitaarahuaqpaktut ukiuq tamaat hanayaghanik ihuaqtunillu angirutighaquiupaktut uqaqhimayunut ihuaqhautinut angirutinit.
- Ikeyuqtigiingnut Angirutit taapkualu NCCD-kut ilittuqhitittiaqpaktuq havaaghainit havaaghainik hanayaghaliuqhutik hanayunullu havauhighainik hanavighaanut akighaanullu ikighilaarutighait.
- Ikeyuqtigiingnut Angirutit naunaiqhitivaktuq havaaghainik munaqtaghaniklu ilaayunullu akighait havaaghainit nutaannguqtiqtauniaqtut ukiuq tamaat talvuuna Ukiuq Tamaat Niuvigaghanut Aviktaghanullu Angirutit ihumagiplugu ukiumut atuqtauyughat hannavighaallu.

Qaffinik ikluqpaghanik NCCD-kut hananiaqqat talvuuna Ikeyuqtigiingnut Angirutit taapkuaklu NHC-kut?

- Ikeyuqtigiingnut Angirutit taapkuaklu NCCD-kut hanayaamik 2,000-nik haniani ikluqpaghanik aulapkaiyuullaqtuq taapkuninnga Nunavut 3000 parnaiyautainik. Ilaayunullu taapkua 200 haniani ikluqaliquaqtut iklughait, 925 inuit ikluqpaghait, 600 akituvaallaanngittut ikluqpaghat, 275-niklu niuvigaghanik ikluqpaghanik.



- Ikayuqtigiingnut Angirutit ikayuutauniaqtuq akittuqpalliyunut akighanut hannavighanullu kinguvautinut ihuilutauvaktut ikluliuqtunut aviktuipugit amirnaudit, katitiqhugit pivighat, havauhittianik atuqhutik, hanayaghaqhiuqhutiklu amigaitqiyaniq (taimaatut, haniani 2,000 ikluqpaghat) hivituyaaqtumiklu (10-nik ukiunik) angirutighanik.

### Qanuq hivitunia ilihimayaghallu aullaqtirutauvat hapkuninnga Ikayuqtigiingnut Angirutinik?

- Taamna Kavamatkut Katujjiluta havaaghait ihuaqnighakut iniqtaghalik ilittuqhithigahq ikluqpaghailliurniq havaaghaliuqhutik ikayuqhugillu hananiaqhimayut 1,000-nik nutaanik ikluqpaghanik ukiuq 2025 tikitinnagu.

### Qanuq taniqtauniaqqak NHC-kut NCCD-kut ikluliulaitpata angiqtauhimayumik akighakut hanavighaagulluuniit?

- Titiraqhimayutut talvani Ikayuqtigiingnut Angirutilluanit, maligaliqiyikkut akiliqtaghaqarniat hanayaamik/akiliqtuiyaamiklu nutaanik ikluqpaghanik angiqtauhimayunik Maligaliuqtinit/FMB-kut talvani Ukiuq Tamaat Niuvigaghanut Aviktaghanullu Angirutinit.
- Taamna Ukiuq Tamaat Niuvigaghanut Aviktaghanullu Angirutit angiqtauqpat, aajjikkutaanik/aajjikkutavyaaniklu titiraqaniaqtuq taamnatut atuqtaullaqtuq NHC-kut titiraaghait hanayit kaantulaghaitut. NHC-kut akiliqtuivangniaqtut iniqtauvalliyunik hanayunik.
- Taamna Ukiuq Tamaat Niuvigaghanut Aviktaghanullu Angirutit iniriiqhimayunik akighaqarniaqtuq hanayauyughanik angiqtauhimayunit hanayit kaantulaaghaigut inuit ikluqpaghainik hanayaamik taapkunungalu/uniit ikluqalihaaqtut ikluaghainik.
- Ukiuq tamaat tamangnik ilaayut angirutighaqhiuqniaqtut ihuilutiqarumikluuniit ikluqpaghat ikighilaaqhimayunikluuniit ikluqpaghat hanayauyughanit angirutighaqhiuqlutik hanayighat kaantulaaghaanik (inuit ikluqpaghat ikluqalihaaqtullu ikluaghait) manighautinulluuniit angirutinik (akituvallaanngittunut ikluqpangnut).

### Qanuq NHC-kut ihuaqhivangniaqqaat hanayit akighainut avatquutit?

- Inuit ikluqpaghat taapkualu/uniit ikluqalihaaqtut ikluaghait hanayauniaqqat atuqhutik akighalluanik hananiqmut hanayaghanullu kaantulaangigut taimaa NCCD-kut ikluliuriamik iliqahiutihimayunik hanayim kaantulaanganit. Ilaani

atuqtuqaqpangniaqtut taimaa NCCD-kut piinnarialiuti qarumik hanayaanik aallannguqtiriyaamik taimaitpaktuqtauq ahinit GN-kut hanayinik kaantulaaqtitauhimayunit.

- Ilaupluni akituvallaanngittunut ikluqpaghanut, NHC-kut maligaliqiyikkut akiliqtaghaqalaittut ahinik manighautinik akighait avatquutinut. Manighautinut angirutit akituvallaanngittunut ikluqhanut ilittuqhitiuniaqtuq uqauhiqnik maliktaghaniklu taimaa akituvallaanngittut ikluqpait akikitqiyauyuq atuqtut akighainik hivituyumik ihumaliuqtauhimayumik.

### Annivighaqaqqa ikayuqtigiingnut angirutinit?

- Tamangnik ilauyut qauyihaitqikvighalgit ikayuqtigiingniit ukiuq nunngutaanit – angirutinit nutqautinut uqauhiqtaqtuqtauq.

## ILIHAUTIKHAINIT

### Ilihaqtitauniaqqat?

- Angiqhimayuq – Nunavut 3000 ilihaqpaalliqvighauyuq Inungnut Nunavunmiunullu aviktuqhimayumi tamaat.
- Hanayit hannaviulluaqtut Nunavunmi ikighilaaqhugillu hivuraaniqmiut havaktighat ilihagtitaalliqhugit ikayuutauniaqtuq hivituyumi angiyunut akighainut ikluqtauqtauq aulahimmaaqtauqtauq ahiqquiyaiyunut ikluqpangnik.
- NHC-kut, Inuliqiyit, Nunavunmi Ilihaqpaalliqviat (NAC), NCCD, NTI, taamnaluk Makigiaqta Inuit Ilihaqtittiyut Kuapuriissat unipkaarutigiliqtut parnaiyaiyaamik aulapkaiaamiklu katitqihimayunik ilihimattiaqtunik havaktighanik ayuiqhayughaniklu havaktillutik aviktuqhimayumi tamaat. Aallat ilihagtittiyunut ikayuqtiit ilaувallianiaqtut havaaghanut parnaiyaigumik hanalirumiklu.
- Ikluqpaghanut manighaqtuqtauq NHC-kunnit, uqauhiit ihumagiplugit ilihagtughat hanayughallu iliqahiutiyauniaqtut tamangnut ihuqtauqtauq angirutinut kaantulaanullu.

### Nani ilihagtitaуvangniat?

- 2023-24-mi, 80-nik haniani ilihagtitaghaqarniat inungnut aviktuqhimayumit nunallaarnillu hananiaqhimayunit:

- Qikiqtaaluk: Ikpiaryuk, Iqaluit
  - Kivalliq: Arviat, Qamanittuaq, Kangiqliniq
  - Kitikmeot: Iqaluktuuttiaq, Uqhuqtuuq, Taluryuaq
- Kingulliqpaat nayugaghaat ilihaqtughat ihumaliuqtauniaqtuq ihumagiplugit ilihaqtughat tamangnit nunallaarnit, kihimi ilihaqtughaqhiurniaqtut tamangnit nunallaarnit hannaviuniaqtunit.

### Qanurittunik ilihaqtaghanik ilihaqtittiniaqqat?

- Amihuuniaqtut ilihaqtughat ilihaqpaalliqtaghallu inuit inmikkut iliharumayainnik. Ilihaqtitaghakkut ayuiqhaqpaalliutauniaqtut ilihimayaghanik havainnarianigiamiklu hanayit havaaghainit ikayuqhugillu inuit hivumuuqpalliaplutik havaaghamingnit hanayinit.
- Ilihaqtittivangniat ilihimayaghanik ilihaqtittiplutik aallatqiingnik ingilravighaqaqlutik ikayuutighait ikluliuqtut.
- Ilihimagayaghanik ilihaqtittiyut ihumagilluaqniaqtaat taiguallaghainiq kitittiniqmiklu; havainnarianigiamik ilihimagayaghanik taapkuatut havakvingnit ilihimagayaghalluat hanayunilu hannavingnit parnaihimanigimik; hanayighat ilihaqtughainik ilihaqtitaulutik taapkuninngalu ayuittut hanayit ilitaritjutighainik ayuiqhaqviit; ilihaqtitauplutiklu havaktighat hanayit havaaghainit taapkuatut ikluliuqtit, alrualiqiyit, tuqhutjaliqiyit, minguliqiyit, ahiqquiyaiyillu.
- Ilihaqtaaghimagumik, inuit atatavangniat hannavingnit-havaamingnut ilihimagayaghanik nuutpallialutik hanayut havaaghainut nunallaamingnit.

### Qanuq naunaiqhimaniaqqik ilaunginnariaqaruma ilihaqtaghanut?

- Nunavut 3000 ilihaqvighatqiuyuq ilihaiyaamik Inungnik Nunavunmiuniklu havaktighanik aviktuqhimayumi tamaat.
- Kinakiaq nunaqaqtut nunallaari hannaviuyughanit ayuiqhayumayullu nutaanik ilihimagayaghanik ilitpalliayaamik havaaghaqhiuriamik hivumuuqpalliayaamikluuniit hanayit havaaghainit, ilaunginnarialgit ilihaqtaghanut. Aviktuqhimayuit nunallaallu hannaviuniaqhimayut, taapkuanguyut:
  - Qikiqtaaluk: Ikpiaryuk, Iqaluit
  - Kivalliq: Arviat, Qamanittuaq, Kangiqliniq
  - Kitikmeot: Iqaluktuuttiaq, Uqhuqtuuq, Taluryuaq

- Inuit ilauyumayut ilihqaqaalliqtaghanut hivayaqtaghariyaat nunallaarmingnit Ilihaqqaalliqviat taamnaluuniit Nunallaarni Hanavalliyunit Titiraqtit (CDO) qaffiuyut kitunikiaq nunallaarni Nunavunmi talvanilu Iqalungni Qikiqtaalungmi; Kangiqliniq Kivalliqmi Aviktuqhimayumi; Iqaluktuuttiaqlu Qitiqmiuni Aviktuqhimayumi. CDO-nguyut nayugalgittauq Pangniqtuumi, Iklulik, Arviat, Qamanittuaq Qurluqtumilu; taapkualu Ilihaqtitauyut Havaktighat titiraqtiit talvani nayugalgit Iqalungni, Kangiqliniqmi, Iqaluktuuttiaqmilu.
- Ilihaqtughaqhiurniaqtut 2023-mi ikluliuqtiinnatik kihimi kinakiaq ilauyumayuq ilihqaqtughanut, hivayainnariaqaqtait CDO-nguyut taja, naunaiqqaalliriamik.

### Ilihaqtaaqhimayughauvik angayughiit ilihqaqvianit ilihqaqatautinnanga?

- Imannaq. Amihuuniaqtut ilihqaqtaghat ilihqaqaalliqtaghallu inuit inmikkut iliharumayainnik. Ilihaqqaalliqvighat ayuiqhaqviuniaqtuq ilihimayaghanik havainnariamiklu havaaghanut hanayinit.
- Ilihmayaghanik ayuiqhaiyut aullaqtiinnarialgit ihumagilluaqhugu taiguallaghainiq kitittiniqlu; havainnarianigiamik ilihimayaghanik taapkuatut havakvingnit ilihimayaghalluat hannavingnilu parnahimaniqmik.
- Hivituyumi, inuit ayuiqhavalliavaktut ilihimayaghanik havainnarianikmiklu, nuutpalliavaktut ahinut ilihqaqtaghanut taapkuatut hanayitinnatik-ilihqaqtaghanik taapkualu ilihimattiaqtut hanayighat ilitaritjutighainik ilihqaqtaghat; ilihqaqaalliqtullu havaktitauplutik hanayunut ilauyut hanayit taapkuatut ikluliuqtit, alrualiqiyit, tuqhutjaliiqiyit, minguliiqiyit, ahiiqiyiyillu.

### Manighainnariaqaqqik ikayuutighamnik ilihqaqtillunga?

- Hii. Inungnut ilauyut ilihqaqtaghanut ilihqaqaalliqtaghanullu, manighainnariaqarungnaqhiyut ikayuutikkut taapkuatut Iniqnirit Ilihaqtut Ilihaqtitauyullu Ikayuutait (ALTS), Ilihaqtut Ikayuutait, Ilihaqqaalliqtullu Havaktitauyut Havakvingnit.

### Havaaghaqaqtughaqvik havaaghaqhiuqlungaluuniit havaghimayughauvikluuniit ilihqaqaalliriamik?

- Imannaq. Pitquhimayuittuq taimaa havaaghaqaquhimayunik hivuanit ilihimayagharniklu hanayunit ilauyaamik ilihqaqaalliqtunut.

- Kinakiaq nunaqaqtuq hannaviuniaqhimayunit ihumavaghutiklu ayuiqhayaamik nutaanik ilihimayaghanik ilihimavaalliriamiklu hanayinit havaaghaqhiuriamik, ilaunginnarialgit ilihaqtitauyunut.
- Hapkua ilihatqikvighayut Inungnut Nunavunmiunullu havaktighanik aviktuqhimayumi tamaat nutaanik ilihimayaghanik ayuiqhayaamik ilihimavaalliriamiklu hanayinit havaaghaqhiuriamik hanayiit hannaviinit ikayuqhugillu ikluliuqpalliyut nunallaarnit.
- Hanayiit hannaviulluaqtut Nunavunmi ikighilaaqhugillu hivuraaniqmiut havaktighat ilihaqtitpaalliqhugit ikayuutauniaqtuq hivituyumi angiyunut akighainut ikluliuqtut aulahimmaaqatunullu ahiqquiyaiyunut ikluqpangnik.

### Umikvighaqaqqa uukturiamik ilihaqtaghanut?

- Imannaq. Ilihaqtughaqhiurniaqtut 2023-mi ikluliuqitinnatik kihimi kinakiaq ilauyumayuq ilihaqtaghanut, titirainnariaqaqtaat NCCD-kut talvani [hr@nccig.ca](mailto:hr@nccig.ca) nunallaarmingniluuniit Inuliqiyiit Havaghaqhiurniqmut Havaktia (CDO) uplumi naunaiqpaalliriamik.
- 2023-24-mi, 80-nguniaqtut ilihapaalliqvighat ilihaitauniaqtut inungnut aviktuqhimayumit nunallaarnillu hannaviuniaqtunik hivunighami.
- Ilihapalliqvighat aulahimmaarahuat kinguani 2023-24-lu ilihaitughaqhiuqhimmaaqlutik havaktighaquiuriamik nunallaarmiunik.

## NHC-KUT IKAYUUTAIT AULAPKAIYAALLU

### Kitut ikayuutinit aallanguqtaghauyut?

- Ikayuutunik aallanguqtiqtughat taapkua tajja qaffiuyut NHC-kut Nanminiqarniqmut ikayuutit, Inuit Ikluqpautainut Akighat/Havaktit Ikluqpautainut Akighait taapkualu Havakviat Maniliqiyit ikluqpangnut ikayuutit nutaannguqtiqhimaittut qangaraaluk.
- Tajja akituniqhait akighat ikluqpangnut ilauyut hapkununnga ikayuutinit ayuqhautaulaaqtut aullaqtittivalliaayamik akituvallaanngittunik ikluqpaghanik niuvigaghaniklu ikayuutinit.
- Inuit havaktiillu ikluqpautainut akighait ikighivaalliutaavaktut nanminiqarniqmut ikluqpautighanik. Ikluqpangnut ikayuutit ilaani akikitpallaaqpaktuq

niuvrutigiyumayaamingnik ikluqpangniittut nuuttaamingnik nanminiqarniqmut talvungalu/uniit akituvallaanngittunut ikluqpaghanut.

- Ahiagullu, ikayuutit nutaannguqtiqtauyughat taapkua tajja atuqtauyut ikayuutaunnginnamik naamayunut niuvigaghanut/akiktuvallaanngittunut ikluqpaghaliurniqmut.

### Hunauyuq akituvallaanngittut ikluqpaghat?

- Aullaqtitauniaqtuq 2023-mi, NHC-kut aullaqtittiniaqhimayut akituvallaanngittunik ikluqpaliuqtughat havaaghainik hivullirnik ikluqpaghanut 100-nik.
- Naunaiqhimayaptingnik ilihavqviuyumit havaaghamit, nutaaq ikayuutik atuqtitaniaqtuq 2024-mi.

### Kitut aallat ikayuutit nutaannguqtiqtaghat?

- Ahiagut taapkua nutaat akituvallaanngittut ikluqpaghat, aallat ikayuutit nutaannguqtiqtauyughat taapkuanguyut:
  - Nutaak Ikluqaqtitauyut Akighainut Ikayuutit
  - Hanatqighimayug inuit ikluqpangnik atuqtitauyut akighait
  - Hanatqighimayug havaktiit ikluqpainut akighait taamnal GN-kut Ikluqpangnut Ikayuutit
  - Hanatqighimayug nanminiqarniqmut ikayuutit (taapkuatut, Nunavunmi Akighainut Ikayuutit, iklualingmik kuapuriissanik ikayuutit)
  - Qanuqlu

### Taapkuatut GN-kut, NHC-kut amigaittunik inuittunik ikluqpautilgit. Taapkua NHC-kut munarilaaqqigik hapkua havaaghat?

- Nunavut 3000 ilaupkainiaqtuq ikayuqtinik hannatuyumik havauhighaqhiuqlutik hanayunit, havaaghanik munaqhiyunik, hanayaghaliuqtunik, hanayuniklu. Ahiagut hapkua havaktighat, NHC-kut ihariattiniaqtut ahinik havaktighaniklu ikayuqtighat, munaqtiuyughat, kaantulaanik titiraliqiyughat, maniliqiyighallu taimaa ilihagtaghanit inirumayat, naunaitkutaghait, maniit atuqtaghat iniqhimayaamik, havauhittiallu ayuiqhaqtauyaamik.
- NHC-kut havakvingnik ihivriuhiyut taimaa havaktighaqariamik ihariagiyainik aulapkaiyughat ikayuutinik. Havaqatiginiaqtait Nunallaarni Ikluliyiyit Katimayit (LHO-nguyut) taapkua inuit ikluqpautait amigaiqpaalliqhutik ikluqpaghaqariamik munaqtaghainik ahiqqiyaqtaghainiklu Nunavunmi tamaat 25-nguyunit nunallaarnit.

Qanuq taamna Nunavut 3000 havaaghaq munaqtauniaqqa?

- NHC-kut makitapkaihimayut Katimayinik nunngutaanit 2011 munaqtiuyughat timiqutimik havaaghanullu ataniqtuqtuitjutinik aulapkaihimayut ilittuqhitiyumik havaaghainik Tuklia Atannguyam (Angayuqqaq/CEO), Angayughiit Titiraqtit, Niruaqtauhimayut Titiraqtit, Kivgaqtiillu Ikayuqtigiit Timiqutit.
- NHC-kut ikluqpaliurniqmut kaantulaanik tunihiyughat Maligaliuqtinut FMB-mullu ihumaliuqtaghait. Hapkua kaantulaat ihumaliuqtauvaktullu pitquyauhimayukkut maniliqiniqmut ihuaqhautikkut Maligaliuqvingnit.

## ILAUPKAINIQ TUHAQTITTINIQLU

Huuq inungnik katimapkaihimaittut hapkua mighaagut?

- Hivituyumik katimatjutaavaktut ikluqpaghat ukiut atuqtillugit. Ilauyullu Ikluliuqtaghanut Maliktaghat, naunaitkutaita Inuit timiqutait (ITK-kut NTI-kullu), nunallaarni katimatjutaupluni haamlatkunnit (taapkuatut, Iqaluit Havaktitauyut Katimayit Ikluliyunit 2021-22-mi).

Qanuq NHC-kut tuhaqtittivangniaqqat havaaghanik hapkuninnga?

- NHC-kut naunaiqhitivangniat hapkua havaaghanit qanukiaq havauhikkut, taimaalu kihimi nutqautaunngittumik NHC-kut qaritauyakkuurutaigut, inuit tuhaqtittiviigut, GN-kut Tuhaayaghaigut, nunallaarni naalautikkut, inuillu tuhaayaghaigut.

Qanuq NHC-kut ilaupkainiaqqat hannavingnik ikluliyinullu ilauyunik?

- NHC-kut ilaupkainiaqqaat ikluliuqtit ukiuq tamaat qiniqhiayaamik nutaanik hanatuyuniklu ihumaliuqhimayunik ihuaqhautighat ikluliurniqmut ihumaaluutunik tunihilutik Tughirautait Ilittuqhitiyunik Ilauyumaniqmut (REFOI), ilihimayauyuqtauq taimaa “Nunavunmi Iluqpaghaliuqtit Akirautait”.

Nani naunaiqpaalliqniaqqik?

- Naunaitkutat takuinnarialgit talvani [www.igluliuqatigiingniq.ca](http://www.igluliuqatigiingniq.ca)